

Gvangjsih Minzcuz Bau

Cawjguenj: Gvangsijh Bouxcuengh Swcigih Minzcuz Cunghgyau Swvu Veijyenzei

Cawjbanh: Gvangsijh Minzcuz Bause

Geiz neix 8 banj

广西民族报

Aenhauh okbanj: CN45-0036

B.2023

Nd.3

Ng.29

Liggaeuq gvejmaux nienz nyinh ndwenngaih cobet

Geizsoq: Gungh daih 3566 geiz

Gvangjsih Dieg Vunz Youq Lajmbanj Cienzmienh Daezswng

Nienzdoh Yinvu Gajcauh Ranzvaih Lajmbanj 2022 Nienz Cienzbouh Guhbaenz

广西农村人居环境全面提升

2022 年农村危房改造年度竣工任务全部完成

Gicej daj Swcigih Yangchunh Cinhingiz cam rox, 2022 nienz, Gvangsijh laebdaeb guh ndei dieg vunz youq lajmbanj gensez, gak hangh yinvu muzbyauh cienzbouh guhbaenz ndeiraeuh. Ndawde, gij nienzdoh yinvu gajcauh ranzvaih lajmbanj 2022 nienz gaenq cienzbouh guhbaenz, ngaenz cunghyangh bangbouj gajcauh ranzvaih lajmbanj gaenq 100% cei okbae, cikyauq bingzgyaq ngaenz bangbouj gajcauh ranzvaih lajmbanj Gvangsijh youq daengx guk baiz baihnaj. Daengx gih gyoeksuenq guhbaenz 723 aen sezsih cawqleix

raemxuq, dieg vunz youq lajmbanj cienzmienh gajndeih.

Laebdaeb gajcauh ranzvaih lajmbanj. Couz ngaenz bangbouj gajcauh ranzvaih lajmbanj cunghyangh caeuq swcigih bonjgaep 1.63 ik maenz, bang daengx gih lajmbanj 5502 hoh gajcauh ranzvaih, bauj hawj lajmbanj gyoengq boux souhaeuq noix ndaej youq aenranz maenh; couz ngaenz 0.39 ik maenz, bang 8 aen yienh henzguk gajcauh ranzvax yaez, hawj vunz henzguk ndaej youq ranz ndei, caepmaenh hwnghat aen yiengh ndei minzcuz doxgiet, ndaw biengz

onjdng, henzguk anningz.

Gyarengz hwnghat aen cawqleix raemxuq. Roengz ngaenz 1.6 ik maenz, hawj mizgven yienh gih guh lajmbanj raemxuq gwndaenq ceihleix gunghcwngz, gajcauh diengzhaex gunghcwngz. Doengzseiz, couz ngaenz 23.72 ik maenz, cihciz daengx gih hwnghat cin gaep cawqleix raemxuq sezsih caeuq veizhoh dem. Daengz 2022 nienz, daengx gih guhbaenz 723 aen cawqleix raemxuq cin gaep, baenz daengx guk aen swnggih daihcaet, sihbuh digih aen swnggih daihngaih guhbaenz “si-yienh-cin” sam gaep

raemxuq cawqleix dihi.

Miz bouhloh guh singz mbanj nyapnyaj gwndaenq cawqleix. Couz ngaenz hanghmoeg hong sawqdiemj nyapnyaj gwndaenq faenloih 1800 fanh maenz guh hong cawqleix nyapnyaj gwndaenq, 2021 nienz dingh roengz aeu guh 59 aen yanghcin(bengih) nyapnyaj cungcienj, 102 aen cawqleix nyapnyaj cunh gaep cienzbouh guhbaenz, 2022 nienz dingh roengz 370 aen hanghmoeg lajmbanj cawqleix(cienjdaeh) nyapnyaj gwndaenq cienzbouh haigoeng hwnghat.

(Vangz Yenginz Dwng Cujdij/王艳群 邓祖体)



Hozciz: Son Lwgnyez Daj Iq Gyaez Feihyiz Vwnzva

河池:从小培养儿童对非遗文化的热爱

Geij ngoenz gonq, gyoengq lwgnyez Hozciz Si Cizsuz Gihgvanh Youwzyenz daeuq daengz Dieg Guhyienh Sonlien San Mauhcukva Vanzgyangh Mauznanzcuz Swciyen yawjngonz hagsib.

Youq dieg guhyienh sonlien, aen youh aen mauhcukva gyaendei langhbaiz youq haenx, hawj gyoengq lwgnyez yawj dwk da mbouj yaep. Bouxcienzswnj feihyiz(dinfwngz san mauhcukva Mauznanzcuz) gukgya gaep Danz Sugenh lwnh hawj gyoengq lwgnyez mauhcukva Mauznanzcuz baenzlawz miz daeuq, baujhoh feihyiz vwnzva baenzlawz youqgaen, lij gaem fwngz son gyoengq lwgnyez san mauhcukva dem, hawj gyoengq nyez daj iq couh gyaez feihyiz vwnzva.

Dinfwngz san mauhcukva Mauznanzcuz dwg Mauznanzcuz hangh vwnzva laux ndeu, 2006 nienz ndaej lied haeuq gukgya gaep feihvuzciz vwnzva yizcanj daibiujsing mingzloeg.

(Veiz Yui/韦睿)

Gaiq Daih 35 Sinhvwnciengj Bauqceij(Vangiloz) Dieg Saujsu Minzcuz Cunghgoz Bingz Sat Bauq Raeuz Miz 3 Gienh Cozbinj Ndae It Daengj Ciengj

第35届中国少数民族地区报纸(网络)新闻奖揭晓

本报有3件作品获一等奖

3 nyied 14 daengz 18 hauh, Cunghgoz Baueyz Hezvei Saujsu Minzcuz Digih Baueyz Fwnhvei 2022 Nienz Nienzhoih Caeuq Sinhvwnciengj Bauqceij(Vangiloz) Dieg Saujsu Minzcuz Cunghgoz Bingz-Ciengj Hozdung youq Yinznanz Swngj Sihsanghbanjnaz Daijcu Swcicouh Ginghungz Si gawjbanh. Bingzciengj sezneix gaenq ok gezgoj, bauq raeuz

miz 3 gienh cozbinj ndae it daengj ciengj.

Bauq raeuz soengq 《Cungj Fung-sug Gaeuq Ciengz Begsah Ndeu “Gwn Bae” 20 Lai Duz Cwzvaiz Gaenq Cawz Lo》(bouxraiz: Veiz Siugvanh Veiz Yingcienh bouxbien: Cinz Yajnz) ndaej loih doengsaenq it daengj ciengj, 《Dawz Couqmaenh Gij Eiqsik Caezcaemh Cunghvaz Minzcuz Ndaem

Haeuq Ndaw Sim Bouxcoz Nyezrauh Laeglaeg Bae》(bouxraiz: Vangz Yinz bouxbien: Yangz Lanzgvei) ndaej loih siusik it daengj ciengj, 《Yenzgiu Youq Ndaw Caetliengh Sang Cienzboq Minzcuz Digih Vwnzva Gij Cozyung Meizdij》(bouxraiz: Cinz Yajnz) ndaej loih lunvwnciengj it daengj ciengj, linghvaih miz 7 gienh cozbinj ndaej ngeih daengj ciengj.

Baez bingzciengj neix, gungh miz 48 gya meizdij 1335 gienh sinhvwnciengj, 123 gienh lunvwnciengj camgya bingzciengj, ginggvaq bingz-veij bingzsaemj, miz 921 gienh sinhvwnciengj, 86 gienh lunvwnciengj cozbinj ndaej ciengj.

(bonj bauq gicej Mungz Sugij Cinz Yajnz Cinz Liengzswng/本报记者 蒙树起 覃雅妮 陈良胜)